

Vun driweriwer

erscheint auf www.lenauheim.de

monatliche
Erscheinung

Juni 2016

von Helen Alba

Entsafter anstatt Brotbackautomat

Vor phaar Wuche han unser Kiner aus Deitschland angeruft un gement: „Geht doch morje bitte ins Lidl Gschäft. Dorte sin Brotbackautomate im Angebot. Un koschte nor halb sovill wie do in Deitschland!“ Natierlich han mer jetz wisse wille, for was se so e Automat breiche, wann mer doch so villerlei un gutes Brot zu kaafe kriet. Die Antwort: „Mir wille anfangen zu spare. Es Brot is do teier. Un wann mer selwer backe, spare mer vill in. Die Maschin kann mer mit allem anfillen, was notwendig is. Mer tut se for e gewissi Uhrzeit instelle. Un wann mer owets aus der Arweit hem kumme, han mer frisches Hausbrot!“

Mei Mann, der wu stark vill vum Spare halle tut, war gleich Feier un Flamm. Er is zeitich am anre Tach ins Lidl un hat de Brotbackautomat kaaft. Zamt der Schachtel han ich des Ding in die Speis ufs Stellasch gestellt. Weil die Kiner gsaat han, sie were ne beim näkschte Bsuch mitholle. Un dann ware se vor zwaa Wuche do. Ich han phaarmol gsaat, sie selle jo nit vergesse, die Brotmaschin mitzuholle. Zwaa Täch vor de Abfahrt han ich mei Mann dran erinnert, er soll die Brotmaschin aus der Speis holle un in e große Zecker tun, dass mer se als ins Auto verfrachte. Was der folgsami Mann ach gemacht hat.

So sin die Kine mit vollem Portbagasch abfahr. Mir han schun ungeduldich gewart, dass se endlich anrufe un saan, sie sin gut derhem ankumm. Un wies Telefon dann endlich geklingelt hat, ware mer dischperat. „Ihr hätt doch saan kenne, dass der ke Brotbackautomat kaaft hat. Do hätt der uns doch nit des Drumding mitschicke misse. Lächerlich, des ganzi Zirkus!“ Mir han gar nit gewisst vun was die Red is un was mer verpacksiert han. Un schun geht's weiter: „Mir breiche de Entsafter nit. Do kenne mer uns Saft genuch kaafe un breiche nit presse!“

Ich geh an die Speis, reiße die Tier uf un gspier mei Herz bleibt stehn. Die Brotmaschin hat scheen dorte in ihrer Schachtel gstann, Dernewert gähnt e leere Platz, dorte war so e Entsafter gstann, also e Obstpresser. „Mann! Gsiehscht nit gut? Schau mol was du angestellt hascht! Un die Kiner menne jetz, mir han des absichtlich gemacht. Schnell! Bring de Fotoapparat!“

Jetz han ich e Bild vun der Brotmaschin gemacht un je an de Computer. Des Bild uf Deitschland gschickt. Jetz war mei Reih for anrufe un alles richtich stelle. Derdriwert han mer alli gut gelacht un uns vorghol, beim näkschte Mol die Aue besser uf zu reisse.

Kapp vertschambascht

Mol is es warm, dann zu kiehl un es reent. Mer weeiß oft nit, wie mer sich anziehe soll, wann mer ausm Haus geht. Un de Vetter Toni, e ganz eigenwillicher un sturer Schwob, will absolut nit uf sei Bäsle Klari horche. Die ments doch immer nor gut. „Toni, heit brennt die Sunn Bloodre. Geh jo nit fort ohne die Schnepskapp. Do is dei Glatzkopp gschützt un die Schneps macht a bissl Schatte uf dei Gsicht!“ De Vetter Toni greift gehorsam zur Kapp un brummt, bevor er zur Tier naus geht: „Heer doch endlich uf, mich ständich zu bemuttre. Ich hätt die Schnepskapp ach ohne dei Rederei ufgsetzt.“

Noh gudi zwaa Stunde war er wieder do. Doch ohne Kapp. „Mensch Toni! Du werscht noch ohne Kapp hem kumme. Wu hascht die Kapp vertschambascht? Immer bischt mit de Gedanke wu annerscht. Sicher hascht die Kapp wu leije gelosst. Schad drum. Sie hat mer so gut gfall un hat der ach prima gstann. Jetz misse mer wieder Geld ausgin un e anri Kapp kaafe. Kannscht dei siewe Quetsche nit zammraffe?“

Weiter is die Bäsle Klari nimi kumm, weil ihre Mann war wieder weg. Un es Mittachesse war angericht. Doch fort war fort. Ohne e Wort zu saan. Iwer des stipperlichi Verschwinne war die Bäsle Klari noch meh wiedich un hat sich de Kapp derdriwert verbrosch, wu der jetz hin is. Noh eener Stund war er awer wieder do. Un die Schnepskapp ach. „Meiner Seel Toni! Tu mer des ke zweites Mol an! Einfach de Rick verwenne un je! Es Esse is inzwische kalt!“ „Hal endlich dei Maul un wärms halt wieder. Wann ich gewart hätt bis noh em Esse, hätt ich die Kapp sicher nimi gfunn!“ „Un wu hascht se leije gelosst?“ „Im Park han ich in der Schätt ghuckt un die Kapp runner ghol un an e Ascht ghong!“ „Wieso an e Ascht? Bischt schun ganz bleblem?“ „Jetz is awer Ruh! Heer uf, han ich gsaat. Ich sin zruck un die Kapp hat dorte uf mich gewart!“

Sie han noch e Weil rum gezänkert. Doch alli zwaa ware froh, dass niemand die Kapp ghol hat. Was eigentlich in der heitichi Zeit e grosses Glick is.